



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



u partnerstvu sa Opštinom Rudo

### Izveštaj o održanom trećem mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u Opštini Rudo

U okviru Javnog poziva za organizacije civilnog društva/nevladine organizacije za predaju prijedloga projekata, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)<sup>1</sup> u saradnji sa Opštinom Rudo, u utorak (7. novembra, 2023. godine) od 11 do 14 sati održan je treći mentorski sastanak za zainteresovane predstavnike/ice organizacija civilnog društva (OCD). Mentorski sastanak održan je u Maloj sali Doma kulture i bio je prilika da predstavnici/ce OCD-a sa mentorom javno diskutuju o nedoumicama i dilemama u okviru pripreme projektnih prijedloga.

Na četvrtom mentorskom sastanku prisustvovalo je ukupno osam učesnika/ca (1M; 7Ž) i to pet predstavnika/ca OCD i tri UN volonterke.

Na početku mentorskog sastanka, učesnicima je ponovno pojašnjena uloga mentora/ice i svrha održavanja mentorskih sastanaka. Tokom sastanka, te na osnovu diskusije učesnika/ca sastanka, prisutnima je pojašnjena veza između aktivnosti, rezultata i ciljeva. Naglašeno je kako svaki set aktivnosti mora doprinijeti ostvarenju rezultata, te da svi pobrojani rezultati moraju dovesti do ostvarenja specifičnog cilja, koji će uticati na sam opći cilj. Data je preporuka da se prilikom definisanja općeg cilja učesnici pozovu na strateške dokumente Opštine Rudo uzimajući u obzir da projektni prijedlozi moraju korespondirati sa prioritarnim oblastima koje su definisane u javnom pozivu.

Predstavnici organizacije su došli sa pripremljenim osnovnim dokumentima javnog poziva, te su isti bili predmet samog sastanka. Predstavnici su pripremili logičke matrice gdje su sa mentoricom govorili o definisanim aktivnostima, rezultatima, specifičnim i općim ciljevima projektnih prijedloga. Također, dostupni na uvid su bili i nacrti projektnih budžeta gdje je mentorica naglasila da se vodi računa o proporcionalnim vrijednostima stavki unutar projektnih budžeta i da se prate preporučeni postotci u vezi administrativnih, projektnih i troškova vidljivosti. Također, naglašeno je da organizacije uzimaju u obzir svoja prethodna iskustva u implementaciji projekata kao osnovu za finansijske vrijednosti aplikacija na kojim rade, to jest da povedu računa o svojim kapacitetima sa tehničkog i finansijskog aspekta. Ukoliko je OCD do sada upravljala malim grantovima i nema značajnu referentnu listu implementiranih projekata tada bi trebalo da razmotri vrijednost projekta od 10,000 do 20,000 BAM za koji je potrebno skupiti najmanje 50 (od mogućih 100) bodova kako bi mogla biti razmatrana za finansijsku pomoć

Mentorica je naglasila da je ciljna grupa izuzetno bitna, te da organizacije prilikom definisanja direktnih korisnika vode računa o njihovom broju. Preporučeno im je da broj direktnih korisnika bude usklađen sa aktivnostima i samim budžetom, kako u projektu ne bi imali ni prevelik, a ni premali nego realan broj učesnika u projektnim aktivnostima.

Na kraju sastanka mentorica se zahvalila prisutnim predstavnicima OCD na učešću, te najavila da će u **ponedjeljak, 13. novembra, 2023. godine s početkom u 9:00 sati, u Maloj sali Doma kulture biti organizovan četvrti mentorski sastanak**. Planirano je da na narednom mentorskom sastanku organizacije

<sup>1</sup>Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



pripreme nacrt projektnog prijedloga, te da s mentoricom riješe eventualne dileme i nedoumice u pogledu pripreme ovih dokumenata.

U svrhu transparentnosti, svi zapisnici, uključujući i ovaj, sa održanih sastanaka sa mentorom/icom će biti objavljeni na stranici Opštine Rudo. Na ovaj način bit će omogućeno da informacije budu dostupne za OCD koje nisu bile u mogućnosti da prisustvuju sastancima sa mentorom.